



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. IX. Ordo Vallis Caulium in Francia, sub reformatione Cisterciensi.

urn:nbn:de:hbz:466:1-11249

runt duo vini dolia exsiccata, illa præcipiente vinum haurire, plena diuinitus esse reperta. Denique multis meritis cumulata, sacro sumpto viatico, vii. Kalendas Maij anno millesimo ducentesimo decimo octauo, quicuit in Domino. Corpus ibidem sepultum hodie in sacra æde, eius nomini dicata, asseruatur. Ita Philippus Ferrarius lib. 25. A de Sanctis Italiae, ex Breviario Cistertiensi, & Oficio proprio Ecclesia Placentina.

Post obitum pluribus coruscavit miracu-
lis. Nam Mediolanensi feminæ lumen ocu-
lorum ad eius tumulum oranti restitutum
est: & latro inter furandum oculis captus,
postea pœnitens, sanctæ Abbatissæ interces-
sione visum recuperauit. Plures & à dæmoni-
bus obsessi, & varijs morbis laborantes libe-
rati sunt, ut eius habent Acta. Sic idem Fer-
rarius lib. citato, qui tradit ipsam coli Officio
Ecclesiastico, ex indulto sedis Apostoli-
cae:

CAPVT IX.

Ordo Vallis Caulium, in Francia, sub
reformatione Cisterci-
enst.

SVntalijfratres in Episcopatu Lingonensi,
monachi Deo amabiles, & valde religiosi,
H qui

qui de *Valle Caulium* nominantur. Hi Cisterciensis ordinis instituta victu, & vestitu, & diuinis officijs, & in omnibus alijs districte & diligenter obseruant, excepto quod cellulas modicas, causa maioris tranquillitatis, & pacis, sibi construxerunt, vt in eis tempore meditationis, lectionis, orationis, tanto deuotiùs, quanto secretiùs clauso sensualitatis ostio, intra cubiculum suum solidi Deo vacare queant. Adeò autem ab omni exterioris curæ præputio corda sua circumcidere studuerunt, vt nec greges, nec armamenta, nec terras arabiles, nec alias habeat possessiones, nec temporalibus occupati sollicitudinibus, & curis huius seculi ab intentione spiritualium retardentur. Præfixerunt autem extra septa monasterij sui terminos, quos non licet eis euagando præterire. Solus autem Prior, cum aliquo de fratribus suis, vt subiecta sibi visitet monasteria, vel alia necessaria de causa potest exire: reliquis simplicibus fratribus in domo, velut Iacob, comorantibus. Habent autem infra terminos suos, hortos olerum & arborum, ad quos excolendos certis & constitutis horis egrediuntur, vt manducent labores manuum suarum. Sed & certos possident redditus, quos absque magno labore ad usus necessarios annuatim recipiunt. Ne autem aliqua egestatis molestia spiritus à cursu suo retardetur, vel necessitate cogente oporteat ipsos mendica-

Gen. 25.

re,

re, aut manibus alienis inhiare, non plures
in congregatiōne sua recipiunt, quām de re-
ditib⁹ suis mediocriter valeant procurare.
Et quoniam scriptum est, nemo militans Deo
impiicit se sacerularib⁹ negotijs, quām pru-
denter & prouidè prædicti Vallis Caulium
monachi consuluerunt saluti animæ suæ, vt
liberè possent diuinorum contemplationi
vacare, norunt melius per experientiam illi,
qui ad exteriorum venationem frequenter
exeuntes, amiserunt benedictionem cum E-
sau: sic stult⁹, vt cum spiritu cuperant, carne ^{Gen. 27.}
non solū consummentur, sed insuper con-
sumantur: qui negotiationem & quæstum,
pietatem æstimantes, dum monasteria pos-
sessionibus ampliare modis omnibus sata-
gunt, non sapienter illud Euangelicum at-
tendunt: *Quid prodest homini, si vniuersum
mundum lucretur, anima autem sua detrimentum* ^{1. Tim. 6.}
patiatur? Exiuit Semei de Hierusalem per cu-
piditatem, & à Salomone interfactus est. E-
xiuit Dina filia Iacob per curiositatem de do-
mo patris sui, & à Sichen iuuene impudico-
corrupta est. Exiuit filius prodigus per luxuri-
am, & portionem substantiæ suæ luxuriosè
consumens, filiis porcorum, quos pasce-
bat, saturari non valebat. Prædicti autem
fratres circumspecti, & prudentes infra ter-
minos suos cautè recluduntur, ne vento stré-
pitus sacerularis lucerna eorum extinguitur,
omnem à se murmuris occasionem, & ambi-

^{2. Tim. 2.}^{Gen. 27.}^{Gal. 3.}^{Matt. 16.}^{3. Reg. 2.}^{Gen. 23.}^{Luc. 15.}

tionis materiam rescidentes, dum alter alteri non inuidet, nec alium se contemptissimi in temporalium administratione præpositum dolet.

Ita Iacobus Vitriacus cap. 17. Historia Occidentalis. De eodem Ordine consulens & Choppinus in Monasticis lib. 2. tit. 1. §. 20.

CAPVT X.

*Ordo fontis Ebraldi, in Gallia, per Robertum Blesælium Parisiensem
anno 1117. institutus.*

Anno Christi 1117. mortuus afferitur vir insignis *Robertus*, auctor monasterij fontis Ebraldi. Qui enim eduxit populum suum de AEgypto, & deduxit per desertum in adiunctionibus suis: idem dicens populum Christianum per deserta loca sæculi huius, ad terram felicioris promissionis, ipsum regnum cœlorum, nouam in Gallia Religiosorum instituit viuendi formam, per seruum suum *Robertum Parisiensem*, in monasterio, quod erexit, dictum *Fontis Ebraldi*, in quo etiā viri Abbatissæ parerent. Hæc ut accipias, præsciendum, quod monasterium fontis Ebraldi nomen duxit à fonte loci, in quo situm est. Ferunt enim *Ebraldum* quedam iuuenum, genere nobilem, sed moribus corruptis, magna sicariorum manu stipatum, adiacentes vias regias latrocinijs olim infestasse, siluasq; tunc